

Clubs da golf han concurrenzau a Selva

Il Club da golf Sedrun ha organisau in campionadi dils clubs da golf dalla Surselva ed eruiu ils campions ord il miez dallas commembras e dils commembers.

PAUL DUFF/FMR

La sonda vargada han ils golfists e las golfistas dalla Surselva gudiu in di bialaura cun dar golf e tgirar la cumpignia dentar las commembras ed ils commembers dils treis clubs da golf da Sedrun, Breil e Sagogn. La plievgia ed il sulegl cauld dil davos temps han procurau ch'cls irals dalas plazzas da golf ei verds sco aunc mai. Las pintgas ruosnas, ellas quallas las ballas ston setschentar, ein denton dapertut tuttina e la finamira da giugaduras e giugadurs ei da duvrar aschi paucas fridas sco pusseivel per ruclar la balla en ruosna.

Sport da generaziuns

A Sedrun ei il giuven giugadur da 14 onns semesiraus cul golfist da 80 onns Els

han giugau sil medem nivel, quei entras il sistem da handicap che dat a mintgin la schanza per in bien resultat da giug. Tier las damas ei il nivel da vegliadetgna staus pli ulivaus. Il giug pretendia ina buuna fisica ed igl inschign da gartegiar exact la balla cul fest. Inagada sto la balla sguilar aschi lunsch sco pusseivel. L'altra gada sto ella setschentar aschi maneivel sper la bandiera dalla ruosna e per finir sto el-la ruclar exact ella ruosna cun in radius da 15 cm. La teoria tuna fetg sempla, mo il giug sa esser maligns e muenter emozjuns. Sper la buna fisica ei pia era la fermezia mentala necessaria per giugar golf. Per tuttas e tuts valan reglas da giug e da fairness, las qualas ein definidas tenor determinaziuns dil pli vegl club da golf da sant Adreus en Scozia.

La fasa suenter in giug ei quella da guider. A Sedrun han ils sportists gudiu in apero cun musica da country da *Dario Hess* e *Martin Gugger*. Ina buna tscheina ha concludiu il di e tut satisfatga ei la societad sportiva sesligiada sil viadi a casa.

Rangaziun

Umens brutto: Götz Patrick, Sedrun, 28; Quinter Alfons, Sedrun, 25; Sestito Pino, Breil, 25.

Damas brutto: Cathomen Isabella, Breil, 19; Beer Romy, Sedrun, 15; Verner Cathomas Anne, Sedrun, 14.

Umens netto: Quinter Alfons, Sedrun, 45; Tuor Alido, Sedrun, 36; Sestito Pino, Breil, 34.

Damas netto: Cathomen Isabella, Breil, 35; Kälbli Rosmarie, Breil, 32; Caduff Lisabet, Sagogn, 31.



Victuras e victurs dalla Surselva Golftrophy a Sedrun survegnan bials premis ed ein satisfatgs.

FOTO PAUL DUFF